

# One night in Strackholt

Wat weren de Sör-  
gen noch minn in  
't olle Europa! El-  
ke Freedag köffden de olle  
Europäers sük en Kist Beer  
un twee, dree Buddels Klaren  
und settden sük bi hör  
Vedder sien Swager in d'  
Keller daal. Hör Vedder sien  
Swager wohnde in Strack-  
holt, glööv ik, man dat harr  
ok Böhmerwold wesen  
kunnt. Up so en Avend  
gröolden de olle Europäers  
denn ofwesselnd „Jenever-  
Marie“ of „Regenfeld,  
Damm, Damm“. Wenn se  
nich sülvst sunge, denn  
smeten se hör Plattenspö-  
ler an, de sung denn för hör  
„Hier fliegen gleich“ of  
„Den Schnitzelwagen vom  
Mädchen bis zur Frau“.

Sülke Avenden harren se  
good un geern „One night  
in Strackholt“ of „New York,  
Rio, Böhmerwold“ nömen  
kunnt. Dat weer so mooi,  
dat kann 'n sük nich utden-  
ken!

Dat neje Europa singt  
nich mehr van Regenfeld  
un Schnitzelwagen, ehrder  
„Bebiwonmorteim“ of „El-  
la, Ella, Ella, eh, eh“.

Dat dudelt nich mehr  
van Plattenspölers, man  
van Playlists. Un wat men-  
nigeen nich weet: Nett as  
de meeste Saken in 't Inter-  
net blieven ok Playlists  
nüms verburgen. Tominnst  
nich de Sangers un San-  
gerskes. Klar, ok vör veer-  
tig, fieftig Jahr wuss Micha-  
el Holm, wo faken sük  
„Fiesta Mexicana“ verko-  
pen dee (sien egen Leder  
interesseerden hum woll  
nich so). Man of „Fiesta  
Mexicana“ ok tosamen mit  
„Tränen lügen nicht“ of  
„Musst du jetzt gerade ge-  
hen, Lucille“ tosamen-  
spöolt wurren – dat kunn  
Michael Holm villicht ah-

## KOLUMNE

Moin, Moin  
**Schrievers** Sprak  
allerbest moje  
Pläseer **Vertellsel**  
Smüstern hoop

## Platt maakt



Wilko Lucht  
gehört zum  
Team der Au-  
toren, die  
„Platt  
maakt“  
schreiben.

nen, man weten kunn he 't  
nich. Daar sünd de Künst-  
lers van vandaag wieder.  
Denn se können sehn, up  
welker Playlist hör egen Le-  
der up sünd. Un daarmit  
ok, mit welcher anner Leder  
se spöolt worden. Un ok de  
Namen van de Playlists  
blieven de Sangers nich  
verburgen. Wenn een Glück  
hett, maakt de een of anner  
Sanger of Sangerske över  
disse Playlists, also de Play-  
lists, waar hör egen Leder  
in vörkomen, en Video.  
Denn worden ok alle an-  
nern gewahr, wo disse Play-  
lists heten un wat för Leder  
daar so mit upstahn.

So strumpelde ik körtens  
up en Video över de Playlist  
„One night in Strackholt“.  
Van welke Sanger of San-  
gerske dat weer, dat is vil-  
licht gaar nich so belang-  
riek, dat finn man driest  
sülvst herut, well 't interes-  
seren deit! Man so of so, de  
Naam „One night in Strack-  
holt“ full mi direkt in 't  
Oog. Dat kann 'n sük nich  
utdenken!